



Broj: 09-20/1-11-2-1968

Datum: 26.09.2023. godine

Na osnovu člana 43. Zakona o unutrašnjim poslovima Federacije Bosne i Hercegovina ("Službene novine Federacije BiH" broj: 81/14), člana 70. Zakona o javnim nabavkama BiH ("Službeni glasnik BiH" broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2023. godini, direktor po Rješenju o ovlaštenju Vlade Federacije Bosne i Hercegovine, V. broj: 1051/23 od 02.08.2023. godine („Službene novine Federacije BiH“ broj: 59/23), d o n o s i

ODLUKU

o izboru najpovoljnijeg drugorangiranog ponuđača za Javnu nabavku rekreacijske opreme LOT 1 „Ronilačka oprema“

1. Poništava se Odluka o izboru najpovoljnijeg ponuđača u postupku Javne nabavke rekreacijske opreme LOT 1 "Ronilačka oprema", broj: 09-20/1-11-2-1968 od 08.09.2023. godine, kojom se dodjeljuje ugovor ponuđaču „PRIMAPROM“ d.o.o. Banja Luka prema ponudi broj: 03-05-615/23 od 24.08.2023. godine, sa cijenom od 3.700,00 KM bez PDV-a, prema izvještaju o toku i završetku e-Aukcije, broj: 1412-7-1-211/23 od 06.09.2023. godine, iz razloga što je ponuđač „PRIMAPROM“ d.o.o. Banja Luka propustio dostaviti dokumentaciju koja je bila uslov za potpisivanje ugovora.
2. Dodjeljuje se Ugovor drugorangiranom ponuđaču „NEXIS“ d.o.o. Sarajevo za Javnu nabavku rekreacijske opreme LOT 1 "Ronilačka oprema", prema Ponudi, broj: 136/23 od 23.08.2023. godine, sa cijenom od 3.796,00 KM bez PDV-a, prema Izvještaju o toku i završetku e-Aukcije broj: 1412-7-1-211/23 od 06.09.2023. godine.
3. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
4. Obavezuje se ponuđač iz tačke 2. ove Odluke da u roku od 5 dana od prijema ove Odluke dostavi dokumenta navedena u tački 2.1. Tenderske dokumentacije, broj: 09-20-11-2-1968 od 11.08.2023. godine.
5. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
6. Za izvršenje Odluke zadužuje se Sektor za materijalno-finansijske poslove.



OBRAZLOŽENJE

Postupak javne nabavke je provela Komisija za provođenje konkurentskih i pregovaračkih postupaka nabavki u 2023. godini, broj Rješenja o imenovanju 09-19/1-30-2-24 od 04.01.2023. godine i 09-19/1-30-2-24/23 od 30.06.2023. godine.

Provedeni konkurentski postupak Javne nabavke rekreacijske opreme LOT 1 „Ronilačka oprema“, procijenjena vrijednost ugovora 4.294,02 KM bez PDV-a, je objavljen na portalu javnih nabavki, broj Obavještenja o javnoj nabavci 1412-7-1-211-3-100/23 od 15.08.2023. godine. U konkurentskom postupku javne nabavke rekreacijske opreme LOT 1 „Ronilačka oprema“ je do naznačenog roka za dostavljanje ponuda zaprimljen tri ponude ponuđača: „NEXIS“ d.o.o. Sarajevo, „PRIMAPROM“ d.o.o. Banja Luka i „AQUABALKAN“ d.o.o. Konjic, od kojih je Komisija cijenila da su ponude ponuđača „NEXIS“ d.o.o. Sarajevo i „PRIMAPROM“ d.o.o. Banja Luka **prihvatljive**, dok je ponuda ponuđača „AQUABALKAN“ d.o.o. Konjic ocijenjena kao **neprihvatljiva** iz razloga što ista nije izrađena u skladu sa članom 4.2. Tenderske dokumentacije, odnosno nije čvrsto uvezana na način da se onemogućiti naknadno vađenje ili umetanje listova u skladu sa članom 58. stav 2. Zakona o javnim nabavkama BiH, odnosno Uputstva za pripremu modela tenderske dokumentacije i ponuda (Službeni glasnik BiH, broj 90/14 i 20/15).

Nakon navedenog Komisija je uputila dopis Sektoru za materijalno – finansijske poslove Federalne uprave policije u cilju provođenja e-aukcije, obzirom da je tenderskom dokumentacijom predviđeno održavanje e-aukcije. Dana 06.09.2023. godine dostavljen je Izvještaj o toku i završetku e-aukcije, u kojem je navedeno da je najpovoljniji ponuđač u predmetnom postupku javne nabavke ponuđač „PRIMAPROM“ d.o.o. Banja Luka, čija cijena ponude iznosi 3.700,00 KM bez PDV-a. Komisija je u skladu sa kriterijumom za dodjelu ugovora u konkretnom postupku nabavke – najniža cijena dala preporuku o izboru najpovoljnijeg ponuđača „PRIMAPROM“ d.o.o. Banja Luka, te je Ugovornom organu predložila da se predmetni postupak javne nabavke zaključi u skladu sa članom 69. stav 1. tačka a) Zakona o javnim nabavkama BiH.

Nakon donošenja Odluke o izboru najpovoljnijeg ponuđača, broj 09-20/1-11-2-1968 od 08.09.2023. godine firma „PRIMAPROM“ d.o.o. Banja Luka je propustila dostaviti dokumentaciju koja je navedena u tački V navedene Odluke i koja je bila uslov za potpisivanje ugovora.

Na osnovu navedenog poništava se Odluka o izboru najpovoljnijeg ponuđača za Javnu nabavku rekreacijske opreme LOT 1 „Ronilačka oprema“ od 08.09.2023. godine i donosi se Odluka o izboru drugorangiranog ponuđača „NEXIS“ d.o.o. Sarajevo, prema Ponudi broj: 136/23 od 23.08.2023. godine, sa cijenom od 3.796,00 KM bez PDV-a, prema Izvještaju o toku i završetku e-Aukcije, broj: 1412-7-1-211/23 od 06.09.2023. godine. Razmatrajući sve gore navedeno, direktor po ovlaštenju Vlade FBiH donosi Odluku kao u dispozitivu.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 5 (pet) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

